

مرکز توزیع:
باب عالی جاده سنده
(اتحاد تجارت)
کتابخانه سی ایل
(یکی توریه)
مطبعه سی

مجموعه اسلامی

دومى الفقه

۳۳۸

اداره خانه سی:
باب عالی
(یکی توریه)
مطبعه سی فوقنده کی
داثره مخصوصه

شرائط اشترا :

هر سنده يك برنجی وایکجی آلی آیلغندن اعتباراً آتونه قید اولونور .
سته لی : اون ایکی نسخه اولوق اوزره بوسته اجر تیله برابر
(۱۰۰) ، آلی آیلغی (۵۰) غروشدور . ممالک اجنبیه ایچین
۱۰ و ۱۰ غروش علاوه سی لازمدور .



شرائط تحریر :

اسلامك نفعنه خادم یازیلار مع التشر قبول ونشر اولونور . یازانك
شخصیتی دکل، یازیشك مادیتی نظر دقتنه آلتیر . کونده و یله جك آناو
اوقوناقلی و مختصرجه یازیلش اولالیدور . کن یازیلردن شایان قبول
که وولنلر تار ی صبراسیله درج ایدیلیر .

چاموره بولاشمش دکل، عادتا بوغولمش اولان ايسقار پينلريله مانتوسنك اتكلىرىنى تميزله مە چابالايور، برطرفندن بويله هواده قلفه ديشايسنه نچين كيتدكلىنى صورويور، كزىك وكوروشمك لازمسه يانعين يرلرنده ده دولاشه بيلمك قابل ايدىكى سويليور، شيمدى بو قياقله او ماضيل كیده جكنى، آناسى نه تورلو قاندىرا بيله جكنى براز دارغين، برازده نازلى بر ادا ايله اشندن استفهام ايدىيوردى.

تازه آرقه داشى اولاجق قىلىقسز ايسه انجه بر جاك آلتنده تيزر و ايصينمق خياليله بارماقلىرىنىك اوجنى يا قهرق سىغاره سنك صوك قسمنى چكركن؛ عضرى حياتده بويله شيلر اولاجقى، عشق يولنده آرا صيرا چامورده ياتىلاجقى براز استىزا، وغالبا طوقلقدن متحصل بر استغنا ايله آكلاتيوردى.

شو ايكرونچ منظره دن اوزاقلاشيركن ينه اوياور ووجى خاطر مە كلى. براونى، برده بو چاموره باتمشى دوشوندم. بلكه وقتيله بوده اويله بر معصومه و آناسنك ديزى دىندن آيرىلمايان بر خدره ايدى. صوكر اعصريك نامنه اغفالكار بر الديو م طاقينمش بر شيطان نجه سى، اونى آنا قوجاغندن و عفت اوجاغندن آيردى. ضلالت و سفالت قيرلىرىنىك چامورلرينه باتىردقن صوكر ملوث و ناپاك بر حاله كتىردى. قلم سيزلامش و روح متأثر اولمشدى. او، روحى تاثر ك سوق خالصيله «ياربى! بارى شو جامعه كى ياور ووجى ايله امثال معصومه سنى بويله چامورلردن محافظه بويور» ديه دعا ايتدم.

طاهر المروى

تفسير - مفسر

تفسير بالدرايه نك بشنچى مرتبه سى

آثار صحابه به مراجعتدر

صحابه كرامدن سوز ولوب كلن تفسير يا نقله

تفسير بالدرايه نك آلتنجى مرتبه سى

لغت و اعراب اعتباريله تفسيردر

لغت اعتباريله تفسير ديمك، قرآن كريمك جواهر الفاظ مفردة سندن بحث ايتك ديمكدر كه بومسئله ده عمدە (ابو حيان) ك ديدىكى كى ارباب تفسيرك اويولده كى بياناتى دكلدر. بلكه بونلزدن باشقه (ابن سیده) نك (مخصص) نام كتابى، (فيروز آبادى) نك (قاموس) ى، (جمال الدين ابن مكرم افريقى) نك (لسان العرب) نام اثر عاليسى كى كتب لغويه ينى وعلى الخصوص (راغب اصفهاني) نك (مفردات القرآن) نام اثرى كى نقائسى حرز جان ايتك لازمه دندر.

جلب دقت

فقط بو بابده تفسير بالدرايه اربابنك اوج نقطه مهمه يه نظر دقتى جلبه لزوم كورويورز كه نقاط

مزبوریهی صورت قطعیده نظر اعتنادن مهجور
برافماق لازمدر.

برنجی نقطه

لغاتك مشهور اولانی ايله شاذ اولانی، حقیقت
اولانی ايله مجاز اولانی، حقیقت اولدینی تقدیرده
حقیقت لغویه، حقیقت عرفیه، حقیقت شرعیه
اولانلرینی بربرندن فرق و تمیز ایتک و بوخصوصده
صوک درجه احتیاطی طاوور اتمق لازمدر. اشبو
نقطه نك درجه اهمیتنی آکلامالیدر که امام شافعی
حضر تلمی (لغت عربیه آدم عقلی واقف اولمادیغنی
حالده تفسیر کتاب الله جسارت کوسترن قیل قویروغنی
بکا کتیر سهر اوکا بر تمیز دایاق آتاردم) بیورمشلردر.
برده لغتک الفاظ مشترکدن اولوب اولمادیغنه و بر
لفظ مشترکک هر ایکی معناسنده استعمالی یا کلیشلغنه
قایلمامق خصوصلرینه دقت لازمدر.

شو اجمالی بوجه آتی برازدها تفصیل ایدم:
تا که لزوم احتیاط کرکی کی آکلاشیلین.

قرآنده ایکی معنایه تحملی بولونان بر لفظ شریف،
پیش ابتصار مزده تجلی ایتدکه نظر اولونور؛ اگر
او معنادن بری دهها ظاهر و ارادهیه دهالیق ایسه
لفظی او معنایه حمل ایتک لازمدر. مکرکه ظاهر
اولان معنی مراد اولونمایوبده بالعکس خفی اولان
معنائک قرین قصد و اراده اولدیغنه دلالت ایدن
بر دلیل قائم اولو. هر ایکیسی وضوحاً و خفاءً
متساوی و لفظک هر ایکیسنده استعمالی حقیقت
اولوب لکن بزنده لغویه، دیکرنده حقیقت شرعیه
ایسه، شرعیه اوزهرینه حمل ایتک اولادر. مکرکه
حقیقت لغویه مراد اولدیغنه بر دلیل قائم دلالت
ایلهیه. مثلاً (وصل علیهم ان صلاتک سکن لهم)
آیتنده کی (صلاة) ایکی معنایی حاملدر. بری
(دعا) درکه بونده حقیقت لغویهدر، دیکری (نماز).
درکه بونده حقیقت شرعیهدر. شیمدی بوراده

مقتضای قاعده، حقیقت شرعیهی بالترجیح نمازی
اراده ایتک ایسهده حقیقت لغویه اولان دعامعناسنه
حمل و ارادهیه دلالت ایدن بر دلیل قائم اولدیغندن
اورایه حملی لزومی تحقق ایلشدر.

أوت (صلاة) ك (علیهم) ايله صله لائمی
و (سكن) ك (ل) ايله صله لائمی معنای شرعی
مراد اولونمادیغنه دلیلدر. چونکه کیمسه نك صلاتی
باشقهسی ایچون مستلزم سکون اولاماز. كذلك
کیمسه نك اوزرینه صلاة شرعی قیلیناماز. حنازه
نمازی ایسه برنوع دعادر. بناء علیه شو قرینه ايله
تعین ایلهدی که صلاة شرعی مراد اولونمایه رق دعا
معنای لغویسی قصد و اراده اولونمشدر.

(مابعدی وار) دارالفنون السہات فاکولتہ سی
تفسیر و تاریخ تفسیر مدرسی

بر غملمی هودت

اسلام تاریخنده اسناد

جاهد بك طرفندن ترجمه و طبع اولنقده
اولان «اسلام تاریخی» نه دائر (۹۹۶۲) نومرولو
و (۲۷ کانون اول) تاریخی اقدامده انتشار ایدن
بر مقاله یی او قودم. محرر مقاله، بو تاریخ مؤلفی
ایتالیالی (له ٹونه قاثانو) و تاریخی کاه باتیروب کاه
چیقارمق صورتیه، متردد بروضعیتده بولندیغنی
کیزله مه مکه برابر کتابی و مؤلفی تقدیر ایتکدن
خالی قالمیور، بعض قابل تعمیر اولیان رخنه لره
تصادف ایتدکه مؤلفک بر خرستیان اولسی حسیلہ
ادعا ایتدیکی بی طرفلنی محافظه ایدم مدیکندنده
بحث ایدم رک بعض مباحثی قبول ایدم میور، بر
هفته صوکرده مذکور کتابدن بعض ترهات نقل
ایدم رک ارباب علم بونلره جواب ویرملی دیوردی.
طبیعی علمای اسلامیه لازم کلن جوابلری ویره جکلردر
و حتی ویرمکه باشلامشدر. فقیر مع اعتراف العجز